

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

বাংলাদেশে মানবপাচারের ভয়াবহতার উপর ইউএসএআইডি-র অর্থায়নে প্রামাণ্যচিত্র প্রদর্শনী

ঢাকা, ১৬ই নভেম্বর -- আজ যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) এর উদ্যোগে
বাংলাদেশে মানবপাচারের শোকাবহতার উপর দুটি প্রামাণ্যচিত্র প্রদর্শনীর উদ্বোধন হল। মানবপাচার অপরাধ বন্ধে
এ্যডভোকেসি প্রচারণার অংশ হিসেবে যুক্তরাষ্ট্র সরকার-এর প্রধান উন্নয়ন সংস্থা 'ইউএসএআইডি'র অর্থায়নে
'সোল্ড' এবং 'সারভাইভার্স ভয়েস' শীর্ষক প্রামাণ্যচিত্র দুটি প্রদর্শিত হল।

"সোল্ড" প্রামাণ্যচিত্রটি এমটিভি-এক্সিট (এন্ড এক্সপ্লয়টেশন এন্ড ট্র্যাফিকিং) প্রচারণার ইউএসএআইডির
আঞ্চলিক কর্মসূচির অর্থায়নে প্রযোজিত হয়েছে। প্রামাণ্যচিত্রটিতে মানবপাচার রোধ ও এর সচেতনতা বৃদ্ধির
জন্য মানবপাচারের ভূতভোগীদের কাহিনী তুলে ধরা হয়েছে এবং বাংলাদেশ, ভারত ও নেপালের সীমান্তবর্তী নারী
ও পুরুষদের পাচারের ভয়াবহতা ফুটিয়ে তোলা হয়েছে। "সারভাইভার্স ভয়েস" শীর্ষক দ্বিতীয় প্রামাণ্যচিত্রটিতে
শ্রমিক পাচার এবং বাংলাদেশে মানবপাচারের অভিঘাতগুলোর উপর আলোকপাত করা হয়েছে।

বাংলাদেশী সরকারের সদস্যগণ ও সুশীল সমাজের নেতৃবৃন্দ উদ্বোধনী প্রদর্শনীতে অংশ নিয়ে বাংলাদেশে
মানবপাচারের বর্তমান পরিস্থিতি এবং যুক্তরাষ্ট্রের মতো অন্যান্য রাষ্ট্রের সহযোগিতায় বাংলাদেশ সরকার কর্তৃক
গৃহীত মানবপাচার বিরোধী পদক্ষেপ নিয়ে আলোচনা করেন। অংশগ্রহণকারীরা মানবপাচার বিষয়ক সমন্বিত
আইনের দ্রুত প্রণয়ন এবং অভিবাসন সংশ্লিষ্ট নতুন আইনের প্রয়োজনীয়তার উপর জোর দেন।

অনুষ্ঠানে বাংলাদেশের স্বরাষ্ট্রমন্ত্রী অ্যাডভোকেট সাহারা খাতুন ও ইউএসএআইডি বাংলাদেশের মিশন
পরিচালক রিচার্ড গ্রীন তাদের সরকারের প্রতিনিধিত্ব করেন।

১৯৭২ সাল থেকে এ পর্যন্ত যুক্তরাষ্ট্র সরকার 'ইউএসএআইডি'র মাধ্যমে বাংলাদেশকে ৫শ' ৮০ কোটি
ডলারেরও বেশি উন্নয়ন সহায়তা প্রদান করেছে। ২০১২ সালে 'ইউএসএআইডি বাংলাদেশ' বাংলাদেশ ও এ
দেশের জনগণের সাথে উন্নয়ন সহায়তার অংশীদারিত্বে ৪০তম বার্ষিকী উদযাপন করবে। ১৯৬১ সালে প্রেসিডেন্ট

জন এফ. কেনেডি কর্তৃক প্রতিষ্ঠিত ‘ইউএসএআইডি’ এ বছর তুরা নভেম্বর, ২০১১ সংস্থাটির ৫০তম বার্ষিকীতে
পদার্পণ করেছে।

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে
‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং
ওয়েবসাইট: dhaka.usembassy.gov যোগাযোগ করুন।